

مجموعه فہرستون

از

جمعیت علمیہ عثمانیہ

ایکٹنی پتہ

نومرو ۲۰

شعبان

استانبول

جمعیت علمیہ عثمانیہ مطبعہ سندیہ طبع اول نمشد

۱۲۸۰

(قدمای ملوک مصریه تاریخی) (مابعد نومرو)

حکومت ایرانیان

بالاده بیان اولدیغی اوزره کیبادشاهک معمرده فوق الغایه
مظهر فوز و ظفر اولمسی کمال غرور و استکبارینی و تزايد حرص
و طمعنی موجب اوله رق و و خامت هوا و امشالی محاذیر موقعه دن
احتراز ایتدیرک مصرک هر طرفه عزیمت و اسنیلایلد کدن صکره
منقبس شهرینک اوست طرفنده وادی نام محلده واقع ژومینترآون نام
صنمه مخصوص مشهور عباد تکاهک دخی ضبط و تخریبی ضمننده
اللی بیک عسکر سوق ایلدی فقط اردوی مذکور واصل سر منزل
مرام اریقسنزین فوق العاده برشید روزگار ظهور ایدوب بوتی
زیک روانه غرق ایلددر.

کیبادشاه شو و قعه دن متنبه اولمهرق حبش حکمدارینه هدایا
ایله ایلچیلر ارسال و کندی تبعینه دعوت ایلدی . اشبو ایلچیلر
حبش حکمدارینک حضورینه داخل و صورت مأموریتارینی
تبلیغ و افاده ایلدکلرنده مشارالیه اله غایت جسیم بریای اله رق
قوروب شاهکرنک اردوسنده بویایی بویله قورده بیله جک برآدم

وارا بسته اولخالده کند و سینه اطاعت ایدرم جو ایلله ایلچیلری
اعاده ایلدی . بو جواب کی قباد شاهی زیاده سیله اغضاب
ایتدیکندن حبش ممالکنی جبراً اورده قبضه تسخیر ایلک اوزره
جسیم اردو ایلله مصر دن حرکت و سودان صحرا زینه موصلت
ایتد کده عسکر کونشک شدت حرارتندن واج و صومر لقدن بیتاب
اوله رق آت و دوه لرینی و بعده یکس دیگری اکل ایتد کلرندن
بو وجهله او چیوز بیک قدری تلف اولدقدن صکره عزیزمندن
صرف نظره مصره عودته مجبور اولدی . بوندن طولای کندی و سینه
حاصل اولان کال انفعال وحدت منتهی جنت اوله رق ملوک سالفه دن
متوفی اما سبب سک مومیا اوله رق محفوظ اولان جسدینی مزاردن
اخراج ایلله پاره پاره ایتدیردیکی مثللو اوز یماندیسک مزاری
اطرافنده بولسان التون بر مقلبی سوکد یروب الدی و مفسس شهرینه
وصولی بر یورطی کونته قصاصد ایدوب اهلینک ایتد کلری
شادمانانی کورد کده بوئی کند و سنک دوچار اولدیغی فلاکتدن
طولای حاصل اولان ممنونیتارینه جل ایدرک رؤسای دین و سائر
معتبران اهلیدن بر طلق کساننی حضورینه جلب ایلله بلا سوال
اعدام ایدوب مصر لولرک پرسش ایتد کلری حو نالک الک معتبری
اولان آپیس نام اوکوزک یورطیسی اولدیغی استماع ایلد کده مذکور
اوکوزی دخی نزدینه جلب و اشبو اعتقاد باطلارینی تزییفاً قایلجه
اهلاک ایتدی . مشارالیهک بموقوله حرکات مجنونه و غدارانه سینه
مبنی مصر لولرک اهل ایران حقنده اولان بغض و عداوتلری
برقاند ها تراید ایلدی . حکمدارانک تحت حکومتلرنده بولسان
ممالکده هرعی اولان مذاهب و اعتقادات هر نقدر واهی و باطل

اولورایسه اولسون حرمت و رعایت ایتملری موافق مصلحت
اولوب حتی کندوسی پیلوس شهرینی محاصره ایلدکده مصریون
عندنده معبود اتخاذاولسان قیون وکدی وکوک و امثالی حیوانانی
عسکرینک اوکنه سوروب مصرلور مقاومت ایلدکلی حالده
اولقاری دشمن عسکرندن اول معبودلی اولان مذکور حیوانانه
اصابت ایده جکئی کوردکلی کبی بلامحار به عرض اطاعت ایتکل
اهالینک اشبو اعتقاد باطلارندن کندوسی دخی استفاده
ایتمش ایدی. مع مافیه شودقیقه دن غفلت ایدوب بودخی حقسنده
وختامت عظیمه یی موجب اولمشدر.

کیقباد مصر الکاسنی ضبط واسبتلا ایتدکدن صکره زمام حکومتی
بروالی یه ترک ایله مملکتی جانبیه عودت ایلدی. اورا یه وصولنده
ونات ایتمش اولان اسمر ویس نام برادری اولق ادعاسیله دعوای
سلطنته قیام و باشنه برچوق عنوانه جمع ایتمش اولان بر برهن ایله
محاربه یه ابتدار ایتکلک اثنای حربده اسبندن دوشوب قلیجی
غلافتدن چیقه رق کندوسی جرح ایتمش و بوندن متأثراً
وفات اولمشدر. کیقبادک اشبو جراح حتی مذکور اوکوزی قتل
ایلدکده ابتدا ضرب ایتدیکی عضوه تصادفی ایتدیکنندن
شوک کیفیت مصریونک اعتقاد باطلارینه بر قاتدها تقویت
ویرمشیدی.

برمنوال محرر ایرانلور مصر الکاسنی آشوری قهر و تغلبه اداره
ایدوب بوجهنه مصرلور فرصت بولدجه اعلان عصیان
ایلدکلرندن ایران حکومتی مصر جانبیه یوک اردور سوخته مجبور
اولمش ایسه ده نهایت حقارندن کله میوب مصرلور ایرانوس نام

ذاتی کندولرینه حکمدار نصب ایلدیلر. بونک اوزرینه ایران شاهی
بولان ارد شیر تکرار دائره اطاعته ادخالری ضمنده مصر اوزرینه
اوچوز بیک عسکرو بر دونغا سوق ایدوب فقط جواهر یونانیه دن
آتنه جمهوری دخی مصر یونه اعانه ایتک اوزره اردو و دونغا ارسال
ایلد یکنندن آتنه دو نغاسی ایران دو نغاسی مضمحل ایتدیکی مثللو
ایکی اردو برلشوب ایران عسکر یله محاربه عظیمه وقوعبوله رق
غلبه ایلش و بو محاربه ده ارد شیرک برادری بولان ایران سر عسکری
ایله یوز بیک ایرانلو تلف اولمش اولدیغندن ارد شیر میلاد دن
در تیوز قرق الی سنه اول مصر اوزرینه مجدداً برجسیم اردو
سوق ایلدی و بو کره مصر لور متفق لری بولان آتنه لور ایله
مغلوب اوله رق حکمدار لری بولان اینادوس دخی اخذ و گرفت
اولندی. ارد شیر اول امر ده متار ایله اینادوسه امان و یره ش
ایسه ده اردو سر عسکری بولندیغی حالده اقد مجد تلف اولمش
اولان برادرینک اخذ ثاری ایچون والده سنک ابرامنه مینی
صلب ایتد یرمشدر.

بوندن صکره اینادوسک معیتنده محاربه ده بولمش اولان
مصر کبراستندن اثیرنا کوس اهالیدن برچوق طرفدار پیدا
ایدرک تکرار اعلان عصیان ایله مملکتک بر جانی ضبط ایدوب
یونانلورک بعض مرتبه اعانه لریله کندوسی وایلروده بیان
اولنه جغی اوزره یدی نفر اخلافی ایرانلورله محاربه ایدرک حکومتی
اداره اتمش لردر. اشبوییدی حکمدار دن اکویسک زماننده
ایران حکمداری مصر اوزرینه برجسیم اردو تهیه ایتش و آتنه
جمهوری ایله بالمخاره کسب مناسبت ایدرک مصر یونه ایلدکلری

اعانه کند و سنه اولنق اوزره جمهور مذکور ایله عقد اتفاق
ایتمش ایسده لوازیم حر بیته استکمالنده رخاوت کوسرلدیکندن
ایکی سنه دن متجاوز زمان مرور ایدرک اول ائشاده اکوبسک
وقوع وفاتیه تخت سلطنت پساموتیسده انتقال ایدوب بودخی
مدت قلیله مرورته فوت اولدیغندن یرینه نفریت جلوس
ایتمش ایسده بونک دخی زمان حکومتی یالکز درت ماهدن
عبارت اوله رق وفاتنده نیکتانیوس میلاددن اوچوزیتیش
درت سنه اول مسند نشین حکمرانی اولمشیدی. اشته بونک
هنگام حکومتده ایکی یوز بیک نفر دن عبارت اولان اردوسی
یکرمی بیک یونان عسکر یله براشدیر یله رک مصر اوزرینه سوق
اولندی. یونان سرعسکری طوغریجه منفیس شهری اوزرینه
ککید لمسی رأی ایتمش ایسده ایران سرعسکری انظار ناسده
یونان سرعسکر بیک رأیله حرکت ایتمش اولماق ایچون بورأی
صائبی قبول ایتمیه رک الآن رشید شهر بیک بولندیخی محله
واقع قلعه نک محاصره سیله اضاعه وقت ایدرک مصر یونه
تدارکات حر بیته لری نک اکالنه میدان ویرمشیدی.
اولو جهله بونلرک مقاومت کسب اقتدار ایلسیله متفق لاریلویه تجاوز
ایده مدکدن بشقه نلک فیضانی موسمی دخی حلول ایتدیکندن
ایران اردوسی اوراده حال تحفیظه دخی قاله میوب برچوق آدماری
تلف اولدقدن صکره بریده الشام جانبزه عودته مجبور اولمشدن
نیکستان یوس اولو جهله ککید دشمندن خلاص اولدقدن صکره
مصرده اون سنه اجرای حکومت ایدوب وفاتنده طاقوس
چالس مسند حکومت اولدی.

مشارایه تکرار ایرانلو طرفندن تسلط وقوعی حس ایلدکندن
یونانستانده کائن اسپارطه حکومتمندن استمداد ایدوب حکومت
مذکور طرفندن بوبابده مساعدده اولمغله آژیلا س نام
مشهور اسپارطه حکمداری سکسان یاشنده بولندیغی حالده
عسکری ایله برابر مصره امداده کلش ایسدهده مشارایه
قصیر القاصه والبسه سی غایت ساده و کندوسی رسم و تکلفدن
آزاده اولمسی جهتیله حقنده لازمه تعظیم و حرمت ایفا اولمندیغی
مثالو درکار اولان معلوماتنه دخی قطعاً اعتبار اولمندیغندن طاقوس
مشارایه اسپارطه حکمدارینک رأیی وجهله حال تحفیظده
قالق استیوب بریه الشام طرفنه تجاوز ایتکله شوائاده مصرده
براختلال وقوعیله طاقوس خلع ویرینه اقرباسندن نوکتانیوس
نصب اولندی . طاقوس مصره عودت ایلک استدکده
مغلوب اولدیغندن ایران شاهی اردشیر طرفنه انجا ایدوب
مشارایه دخی مصره سوق ایلدیکی اردو سنک سرعسکرلکنی
کندوسنه حواله ایتش ایسدهده اسپارطه حکمدارینک مصرلوزه
وقوعولان اعانه سی مناسبیله طاقوس ایران اردو سیله برابر
منهن مأ عودت ایلشدر .

متعاقباجالس مسند حکومت ایران اولان دارا ارتق بومصر مسئله سنی
برطرف ایتک ونوکتانیوسی اخذ و گرفت ایلک اوزره ایران
ویونانیلردن مرکب غایت جسیم براردوایله مصر اوزرینه حرکت
ایلشدر . ابتدای امرده پیلوس قلعه سنی محاصره و اخذ و دروننده
بولشان بش یک اسپارطه عسکرینی قتل و اعدام ایلدیکنی
نوکتانیوس استخبار ایلدکده دارا نیک طوغریجه منفیس شهری

اوزرینه کتک نیتنه ذاهب اولمسیله برای مد افعه قلعه ویولاری
حالی اوزره براقوب کندوسی شهر مذکوره قیامشدر. دارا قشبات
واقع سند اضعه وقت ایتمکدن بشقه کندوسنه مقابوت
ایدنلری قهر و تد میر و اطاعت کوسترنلری تلطف ایلمک
قاعده سنه رعایت ایتدیکندن کرک منفیس شهرینی و کرک
مصرک سائر محاربینی پک از مدت ظرفنده ضبط و تسخیر ایله
کافی السابق ضمیمه ممالک ایران ایلدی. مشارالیه نکستانیوس
برخیلی مال ایله ممالک حبشه فرار و بقیه عمرینی اوراده امرار
ایلمشدر. اشته اولوقندن شمعی به قدر حکومت مصریه اجانب
یدنده قابوب قطعایرلو حکمدار کلما مشدر. وقعه مذکوره
میلاددن اوچبوز الی سنه اول و قوعبولمشدر.

دارا اولوجهله مصری ضبط ایلدکده مقدماری کبی جایجا اخلاص
ظهورینک منعی ضمننده بالجه قلاعی هدم تخریب ورؤسای
دین و سائر دن برطاقم کسانى اعدام و تغریب ایلدکدن بشقه
عبادتگاهلرینی یغمارقوانین مؤسسدرینی ابطال و انقا ایله مصر
الکاسنی عاداتا برابالت حکمنه قویه رق قوانین جدیده وضع ایلدی
و حتی مصر لولرک قیود و دفاتر لرینی حرق و اتلاف ایلمش و بودخی
بالاده بیان اولدیغی وجهله تاریخیجه بعضی وقوعاتک مجهول
و مشکوک قالسنه سبب اولمشدر.

داراناک اشبو حرکت ظالمانه سی مصر اهالیسنی زیاده دلکیر و تنفیر
ایتمش اولغله صفت حیوانیتیه چسبان احوال مشروحه سنی
تقیحاً کندوسی چار لقییه تلقیب ایتدکلرینی بالاستماع
زیاده تهور ایدرک کندوسنک چار اولیوب ارسلان اولدیغنی

و اثبات مدعا ایچون معبودی اولان اوکوزلرینی اکل ایده جگنی
بیان ایدوب بونک اوزرینه مذکور معبودلر دن ایس نام اوکوزی
عبادتگاهدن جلب و ذبح ایتدیروب کندوسی و دائرة سی خلق
اکل ایلشدر.

دارا خطه مصریه بی اولوجهله دائرة اطاعتنه ادخال ایلد کدن
صکرة مملکتی جانبده عودت ایدوب بتون بتون عیش عشرت ایله
اشتغال وزمام حکومتی وزیر بولان بوغواس نام خادمیله وکلای
سائره سنه ترک ایلدی. خادم مذکور فی الاصل مصرلو اولوب
دارانک مقدا مصرده وقوعولان مظالم و تعذباتی کندوسنه
برداغ درون اولمش اولمغله زمام حکومت اولوجهله کندویدینه
یکجکده داعیه اخذ انتقام ایله متبوعنی تسیم ایدوب یرینه دیگر
بر مقتولی دفن ایتدیردی و اوکوز آپسسه وقوعولان معامله یه
مقابل اولمق اوزره مسمومک جسدینی پاره پاره ایتدیره رک کدیلره
اعطا و کککلرندن قلیج و بچاق قبضه لری اعمال ایتدیردی.
و مصردن غصب اولسان اصنام و اشیای سائره نک اکریسینی
مخازینه اعاده ایلدی.

وقوعات مذکوره دن صکرة ایران شاهی اولان ایکنجی دارا
جسارت و رشد رویت ایله متصف ایسدهه مقدونیا حکمداری
بولسان صاحبقران مشهور اسکندر بن فلیپوس ایله وقوعولان
محاربه سنده مغلوب اوله رق اسکندر کافه ممالکتی ضبط و تسخیر
ایلشدر. بواثناء اسکندرک اردو سندن امتنا س اسنده
برضابط ایران اردوسنه فرار ایدوب شاه خدهنده بولسان
سکر بیک بونالو عسکرینی بالا ستعجاب مصره عزیمت و مصر

والیکنه تعیین او اندیغنه دائرشاه طرفندن بر ساخته امر نامه
 ارائه ایدرک مظهر حسن قبول اولدقدن صکره امر نامه مذکورک
 ساخته اولدیغنی و مصریون کندوسی حکمدار مستقل انتخاب
 ایلدکری هالده مصری ایرانلو تغلبندن تخلص واستقلالنی اعاده
 ایده جکئی اعلان و تعهد ایتسیله اهالی بوکا موافقت ایدرک
 برلکده منفیس شهری اوزینه هجوم وجوارنده ایرانلو ایله محاربه
 و غلبه ایتش ایتسه ده متعاقباً عسکری شهره دخول ایدرک نهب و غارت
 ایله مشغول ایکن ایران عسکرندن برفرقه آمتاسی بر محلهه یالکرز
 بوله رق اعدام ایتدیلر بو وقعه ایرانلو ایله مصر لول بيشده
 اوتیه دنبر درکار اولان بغض و خصومتک برقاند ها نزیادی مستلزم
 اوله رق برمنوال مشروح اسکندر ممالک آیرانی ضبط و تسخیر
 ایتدکدن صکره مصر الکاسنی دخی داخل دائره حکومتی ایتک اوزره
 اولجا نه عزیمت ایلدکده مصریون کمال رغبت و مسرت ایله
 استقبال و زمام حکومتلریغنی اداره سنه تسلیم ایلدیلر
 صاحبقران مشارالیه اولوجهله فوق القایه مظهر اولدیغنی
 شان و شوکت ایله اکثفا ایتیب معبود انام اولق فکر باطلیله
 بعض بتلره منسوبیت ادعا سنه دخی قیام و اصنام مذکوره نک
 الکعتبری اولان ژوپترامونک منفیس شهری حواله بيشده واقع
 عبادتگاهنه عزیمتله هر فصلسه راهلرینی اقناع و الزام ایلدیکندن
 بونرا اسکندر ژوپترامونک اوغلی اولوب اکا دخی پرسش اولمسی
 کندولرینه مذکور صنم طرفندن الهام اولدیغنی خلقه
 اعلان ایلدیلر

صاحبقران مشارالیهک حسن اداره جه اسلافه تفوقی درکار
 اولدیفندن مصریونک عصیاننه سر رشته ویر ما ملک ایچون
 قوانین قدیمه لرینی تکرار تأسیس و دیانجه سر بستک اعطا ایدرک
 اداره ملکیه ایالتی دخی دولیاس نامنده بر مصرلویه احاله و عساکر
 مصریه به کندو اردو سندن ضابطان ویره رک قوماندانلغنه دخی
 سر آمدن امرای عسکریه سندن فیلمو من نام کسندی بی مأمور
 ایلدی و اشبوسر کرده نک دخی داعیه استقلال ایله
 عصیان ایده مامسچون مصری بر قاج ایالتنه تقسیم و بونلره تعیین
 ایلدیکی قاعقه مالمه طوغریدن طوغری به کندو سوله مختاره
 ایلک اوزره مأذونیت اعطا ایلدی و بعده کندو نامه منسوب
 بولسان اسکندریه شهر بنی بنا ایدوب شهر مذکور عسکره لری بر مدت
 دنیا تک هرگز علوم و تجارتی اولمشیدی . اسکندر مصردن
 حرکتله بغداد جوارنده واقع بابل شهرینه عزیمت ایتد کده سنی
 هنوز اوتوز اوچه بالغ اولمشیکن عیش و عشرته زیاده انهما کندنناشی
 مدت قلیله ده وفات ایلدیکندن و ولی عهدی دخی اولدیفندن
 فتح ایتش اولدیغی بونجه ممالک جسیه بی بعض امرای عسکریه سی
 بیلرنده تقسیم ایدرک هر بری بر مملکته حکمدار مستقل اولدیغی
 صره ده مصر ایله افریقا قطعه سنده بولسان دیگر بعض محالر
 امرای مذکور دن بطلمیوس لاغوس نام ذاتک حصه سنه
 اصابت ایلدی .

(محمد جیل)

(خلیل)

(۱) سفیر پارس

سفیر بتر سوغ